

中國邊疆叢書第一輯

陳 崇 祖 著

外蒙近世史

(全)

文海出版社印行

編印緣起

我國之邊疆包含國防、界務、邊地之開發，以及語文宗教習俗各異之蒙藏維哈及其他各種宗族間之問題，其關係國家之安危極爲重要。清初百餘年間，對邊地採取封禁政策，遂使邊腹阻隔，情誼鮮通。道咸以降，西力東漸，我以疎弱最甚之一環，當列強侵略最激之要衝，國土日蹙，邊事日棘，胥由於此。

本社有鑒於邊疆問題研究之重要，復以戰亂播遷，文獻散佚，因有發刊邊疆叢書之計劃，特約請廣祿、李學智、歐陽無畏、李毓澍諸先生，並商定由李毓澍先生任主編。分就蒙古、西藏、新疆及東北各省區，挑選有關重要典籍，分輯陸續刊印，並擔任各書之簡介批評。其有手稿、珍本、孤本或鈔本，更多方由海內外設法蒐集，擇尤景印，以廣流傳。

今第一輯十六種，業已印齊，承蒙海內外讀者雅愛，惠予預訂，本社至深緬感。惟羅家倫郭寄嶠兩先生以公務繁忙，原惠允賜撰序文，稍有延緩，本社以讀者預約在先，未敢再事延期，僅先裝釘若干，分別郵寄。總序印就後另函寄奉，尙乞諒察。

影印「外蒙近世史」序

李毓樹

「外蒙近世史」一書，陳崇祖所撰。所記敘外蒙事蹟，自辛亥（一九一一）年哲布尊丹巴醮釀革命起，迄於民國十年（一九二一）俄白黨陷庫倫、紅黨據恰克圖止。爲研究近代外蒙古問題重要參考資料之一。陳氏撰寫所根據之資料，據云爲庫倫使署之檔案，證諸拙編中俄關係史料外蒙古部份（中央研究院近代史研究所民國五十年出版），足見陳書資料之信而有徵。

先民國四十八年間，拙著「外蒙古撤治問題」撰寫時，曾遍向臺北各大圖書館探詢陳氏此書，均無法借到，不得已乃取日人古川園重利之譯本參考之。後旅行東瀛，偶於舊書肆中購得，多年物求，忽獲於一旦，欣喜不已。今文海將出版中國邊疆叢書，約任其事，因選此書影印，藉廣流傳。

陳氏字獻侯，湖北漢陽人，曾與黃陂陳毅（士可）同讀於兩湖書院。其應士可都護使邀聘，供職於庫倫使署，係民國九年直皖戰後陳毅再起用之時。陳氏雖爲有心人，能利用庫署檔冊，裁編成書，但究非親身經歷，若陳錄（任先）或陳毅可比。其所叙外蒙獨立，中俄磋議，恰克圖三方議約，外蒙內嚮額請撤治及徐樹錚挾兵力籌邊各事，不免詳於地方之設施，忽略中樞之決策，侷限於蒙地一隅，忽略國際國內之背景。間於官制變革，亦有微誤。但此

書之價值並不因此微疵而稍減。

陳氏撰成外蒙近世史，當在民國十年多，十一年初版問世，十五年再版，日人「所謂善鄰協會」極重視此書，即聘請古川園重利翻譯，譯本於一九二九年由生活社出版。

張之洞之創辦兩湖書院，極重視輿地測量之學，此後治邊疆史地，研究界務及測繪地圖者，人才倍出，蔚爲學風，二陳均曾受業於兩湖書院，陳獻侯之撰外蒙近世史，殆亦承紹此學風歟？

中華民國五十四年十一月十五日序於臺灣省臺北縣南港鎮

外蒙近世史

周樹模題

序言一

蒙古於清爲藩部至中華民國則五族之一比於長城以內冠帶之倫矣顧自宣統季歲變亂迄今識者每深憂之朝野籌議加詳焉武昌陳君久官漠北通知四國之所爲暇輒彙集檔案託始哲佛獨立迄庫倫恰克圖之再陷臚列事實不涉評議而得失昭然前事之不忘後事之師也其用心視何願船祁韻士諸先生爲獨苦矣一日出序目相示爲著數語簡端志慨

漢陽田文烈

序言二

仁者無外外蒙古者對內蒙古而言之也自入版圖以來固未嘗見屏於中國也比海內多故輔車之間頻生齟齬而外蒙亦屢反側矣乃者北邊騷動庫倫陷落煙氛驟起舉國相驚政府赫怒羣帥奮發征蒙援庫雷厲風行曾幾何時忽若消歇今匈奴猶未服也而國人之愒焉若忘者何也陳君顯侯久官漠北周知其務輒以見聞所及載之簡編勒成一帙爲外蒙近世史三卷將以付梓而屬序於余余受而讀之曰有心哉陳君之爲是書乎論其體裁於章冲袁樞爲近而篇節分明源委澄澈將使讀者一目瞭然如身歷其境而親計其事其分章序次尤井然有法則可觀斷自哲佛獨立之期則非立乎定哀以指隱桓也采及私家記載而折衷於官書檔冊則非撫掠遊辭而談夷堅也不殺青於朝野震驚之日而汗簡於舉世忽忘之頃則又非率爾操觚冀投時尚而張之目也左氏謹嚴固文詳瞻展卷三復又以知比歲以還彼都之所以甘自外而亟不庭者非僅其人之蚩蚩蓋歷治其地者無亦少自療焉有心哉陳君之爲是書乎

謀國是者若以爲珠崖可罷罕并可捐則亦已耳若猶欲固吾圉也則里革之詈尹鐸之壘在所不廢矣辛酉九月錢塘楊晉拜序

序言三

吾邑陳獻侯道尹與黃陂陳士可都護同治輿地學垂三十年尤留心於西北邊防是正遼譯之異名而於種族盛衰遷徙之故疆索沿革華離之蹟鉅晰甚至方其爲諸生時已翹然以諳習蒙古地理著稱於時庚申春初士可再被命都護北庭建幕府於庫倫以獻侯勤於蒙事也禮爲上客獻侯乃以其著書之才論世知人之識截陰盾鼻於簿書填委之間排比而組纂之益復出其素藏旁搜軼事泐爲專書曰外蒙近世史哀爲三編都十一章釐爲百數十節條分件繫秩然若網之在綱齒之附櫛挈而振之比而齊之粲如也而於朝政張弛緩急因應之間亦附以俱見方策俱存古之所謂良史亦據以傳信傳疑而已耳又誰得顛倒而予奪之鑑之應物也不自售其明而妍媸無以遁衡之權物也不自訴其准而輕重莫能淆獻侯之所以鑑之衡之以成是書之心又在讀是書者之鑑之衡之也矣書既成乃撮其節目并所自序手而徵序於予年來參曹洞下禪正墮在元妙窟中無自由分輒復以坡谷爲戒更不役情文字以馳驚而

喪道孤峯頂上所得都忘顧獻侯數數督予文不少恕無以塞其責謹如其所示微而顯約而核之本旨爲敘其緣起大要於簡端以歸之且以示紀職方記盟會者有所取則焉壬戌初春肯行者江夏王彭拜序

自序

二十世紀以來民族自決主義震盪於歐美彌蔓於亞東其狡焉思逞者乃利用其學說以爲吞併之利器朝鮮已入其彀矣西漸之力乃及於蒙疆外蒙二次之獨立此實爲其主因夫所謂民族自決者乃同族之民卓然有自立之精神思脫離不同族者之紛擾而因以自決也我國民族皆發源於西北高原軒皇以降繁衍孳息於黃河流域南徙者爲漢族北徙者爲匈奴卽今之蒙古也匈奴之先爲夏后氏後裔出自淳維淳維於殷時犇居北方圖騰社會乃遊牧於此矣人種學家稱中國爲蒙古人種非無因也漢興匈奴闖關李陵北虜其子孫皆爲蒙籍今譯蒙人姓氏多爲李氏猶徐福使日今日人爲徐氏子孫者不絕也厥後成吉思汗蹕厲於荒莽之域提孤軍以鞭箠歐亞入主中夏者八十餘年明太祖逐元順帝於漠北而代之漢族子臣從而追奔於古北口外者不尠由是以觀蒙族與漢族一也今乃區爲五族之一實自形其離奇不亦大可嗤耶考蒙古源流系順帝殂落太子愛道錫哩達賴遁至和林圖存宗祏至太祖十

五世孫達延車臣汗其子圖魯博囉圖巴爾蘇羅博特阿爾楚博羅圖鄂齊爾博羅特等遠徙漠南駐牧明邊今內蒙之敖漢奈曼巴林札魯特克什克騰烏珠穆沁浩齊特蘇尼特鄂爾多斯等九部落皆其族也其季子格埒森札賚爾仍留故土今之車臣汗三音諾顏汗土謝圖汗札薩克圖汗皆其族也蒙人之爲元後歷歷可數如此故史家編元史爲正統知元在中土同爲血統之相延其子若孫乃自別於漢族而自爲一族以獨立爲自決何刺謬之甚也蒙人逐水草遷徙以爲常與俄壤毗連言語習俗類相接近而俄人向以宗教之權術深結蒙人之歡心更以金錢之力隨其後鼓勵蒙人之越境雜居者使入俄籍以實行其同化之策吾恐幹哥歹之遺裔不惟不能自決浸假日消沈於斯拉夫族而不自覺也况更有狡焉思逞者日伺其旁耶民國七年蒙人呈請撤治可謂豁然晨鐘之一悟自俄亂勃興紅白兩黨互相屠滅蒙人不自愛其族黠者以利啖之乃引俄白黨以自助唱言獨立喀爾喀之疆土遂入於俄白黨之掌握未幾紅黨又攻庫倫而取之刼殺相循聞聲而慄是蒙人思以自決而反以自戕也於戲前車旣覆來軫方遘腹內各省乃亦挾自決之潮流日日囂呶又不謀所以自立之基

速亡趨亂之道也其不爲外蒙之續者幾何哉予怒焉懼之乃攬述宣統三年外蒙獨立以後至民國十年庫恰失守以前之事蹟編列爲外蒙近世史三篇願以質之有心當世者民國十年八月上浣陳崇祖自序於都門旅舍

讀外蒙近世史

活佛竟無靈雖活乃若死坐令漢版圖金甌缺一耳吾聞籌邊者牙纛入盟指虛籌燕然石未度狐奴水健兒執冰嬉書生奮筆起都護庭已荒松漠聞堪紀平生請纓志灑作淚盈紙孤憤成奇書千秋有信史已往不可追來者請視此

崇陽劉 樽

例言

一外蒙遐荒書缺有間予在庫倫兩掌記室是編大半彙集檔案而成毫不加以意見其間有採自私人記載者但皆節錄事實不參議論

一中國史體不外編年紀事兩種是編體屬紀事而分篇分章分節略採西史編纂之法以清眉目而年月次序亦按節可考

一外蒙卷宗殘缺頗多是編僅就所得者隨意編輯故詳略各有不同非意爲筆削也
一庫倫失陷以後稽考卷宗更難掇拾是篇詳於約章條例可爲將來行政參考之用
非故爲煩碎也

一是編但求實錄文字誠不免於蕪蔓淹博之士幸匡不逮

外蒙古近世史目次

第一篇 獨立時期之外蒙古

第一章 獨立之原因……………一

第一節 清廷用人之失宜……………一

第二節 西藏喇嘛謀逆革去名號……………二

第三節 迫向哲布尊借用槍枝……………二

第四節 三多懲辦德義湧搶案……………三

第五節 懲辦陶什託琥搶劫華商慶昌玉六家……………三

第六節 創辦新政……………四

第七節 杭達親王等赴俄求援……………六

第二章 獨立時之情形……………七

第一節 俄兵來庫……………七

第二節	三多電請裁撤兵備處	八
第三節	四盟王公呈請及哲布尊之札飭	九
第四節	俄領護送三多出境及其革職查辦	一二
第五節	哲布尊登極	一三
第六節	袁大總統之勸諭	一四
第三章	俄人之密謀	一八
第一節	俄人聯絡汗王及蒙民	一八
第二節	俄使要求五款	一九
第三節	俄人對於外蒙之獨立所主持兩派	二〇
第四節	俄政府承認外蒙獨立之表示	二三
第五節	阻止我國進兵征蒙	二四
第六節	俄以兵力財力援助外蒙	二五
第七節	俄將會蒙兵佔據科布多	二九